



-Pamebhamε

"Nimlɔv : 19 "Tiëdhe "su

-Kwe 2007

"Su -bha 'sëedhe -mü "Gwεtaawo

'WON -TAONG -MA 'GÜ 'SËEDHE

-Bhawon 'to dhe 'ö dho -Pamebhamε -wo pö -mε -nu "piü

-Pamebhamε 'ö -kë nao -ma 'gü 'sëedhe 'ka, -a -wo pö -mε -nu "pεpε, -dhe =ya =kpao ka -bha -ee ? Ka nuwεε yë -bha mü. Kö ka -kəwəwə -yö dhi bha 'aa -yë kë ?

Yi dheebhang -nu ka -dho yi -bhawon 'to-

'sëedhe ya -a "dhiü 'ö kë 'gbaannu bha- -wəwə 'gü. -Yö kë -sü yë -kë 'ka -kwεε -nu -bha see- 'ö 'wo kë wo =në- -nu -bha. "Kεε Atanna 'saa- 'gü 'wəwə =gbaan yö 'ko "dhiü. Yö =në- -wəwə 'gü 'yö 'ka -kpan sië

-Pamebhamε "nimlɔv ya, -a -bha bha. Yi 'dhang- bho -sü -ya "dhiü =dhe 'ka yi -bhawon 'to. =Dhe kwa -wo -ya 'gü do =dhe kwa -de -wo 'ö bha kwa -dho "slë məwə -a -bha kö -yö 'dho "dhiü.

=Ya 'go yö -zë -a 'gü, 'ö 'wəwə -së 'bha 'dhö ka -zo "piü kö 'ka- pö yi -dhe -Pamebhamε "gbluv "piü, -potaasü -yö ka -gə. -A "dhia -yö -dho 'ma yi 'gü. -A -gən -mü =dhe -gleng 'yaa 'go 'gu do 'gü

Kwaa- =danwo pö "sε 'gü -wəwə



-Kwezlaankpii

"Tan kpö -së do =në 'ö -ya nu "Maa "sε 'gü, -wa -dhe -Kwezlaankpii. 'Ö -ya, -a -kwε "saədo -naa =në 'ö kwεε (2007). -A -ya -gən -mü =dhe yö kë "dhü kö kwa wəkwə bha -yö 'to "sε -bha. "Tan kpö bha- -gəmə 'kpīi- 'ö -kë didhetëë 'ka bha, -wa -dhe **Kla -Dro**. "Tankëmə -nu 'ö 'wo bha 'në 'ö- -nu

-gə -gən -së 'ka, -a -dhiang 'yaa zë. Mε -kaong -yaaga =në 'ö 'wo- 'gü. =Yaoba -nu 'waa mü 'wo- 'gü doseng, -wo "wεε pö -mε nu 'gbε -wa 'gü. -Wa -nu -dhe 'wəwə -së -nu -ta 'gbε. =Minisi -blεsü, **Sialö Bani** 'ö gun yöö nu kwaa- "pεen ya- 'ka, -wo kë- -nu -dhe. 'Wəwə "gblügbü -nu =wa kë kwaa- "Maa "sε 'gü, -wa -nu -dhe.

-Ya -nu "piü =dhe -a -nu 'to -yö -wo kwaa- 'kodivua -sε ya- 'gü. 'kwa -kpan -nu -bha, -kwaa -nu faan do.

"Iti "sënnng

"Iti -dhe bha 'pödhε -mü. "kidhung -kaongdo ö ga "saədhü =në waa- -Zəwεen -dhe =zinng 'gü. "Iti -dhe bha -waa bho 'në 'bha wo "gbluv, -a -gən -mü =dhe 'nödhe -dede 'ö

gun -dhe 'ö- -bha bha "sënnng -yö mü. "Sënnng bha woo- 'pən. "Kεε -waa 'pödhε -dee -së do do 'ö =klangkwanggdhe -së 'ö mü.

L'orthographe DAN

Voici ce que nous pouvons utiliser pour savoir lire et écrire en langue dan.			ëë	"këë	daba	ü	'gü	intérieur
Les consonnes et les voyelles que vous ne voyez pas ici sont les mêmes qu' en français.			ën	"kën	rassasier	üü	"güü	amère
Attention:			ëën	=klëën	entourer	ün	=blün	miette
1. c, h, j, qu et x n'existent pas en dan.			εa	"kpεa	sec	üün	glüün	rouler
2. r ne se trouve jamais au début d'un mot.			εan	gean"	scorpion	ü	"gü	brûler
Voici le reste de l' alphabet :			gw	-gwë	caillou	üü	"bhüü	tarir
Lettres Exemple	Traduction		in	"bin	fleur	v	"tv	oreille
Aa	"kaa	gale	iin	"iin	ou	vv	"tvv	sauce
An	"gan	tirer	ι	"wι	parler	-Wo 'dho -kə (Les tons)		
Aan	saan	cadeau	u	"gbu-	fort	très haut		"dhü arbre
aə	kaə	perdrix	kw	=kwaa	main gauche	haut		'kə maison
aən	'daən-	araignée	ng¹	gbeng	nuit	moyen		dë père
bh	-bho	cabris	o	'pə	chenille	bas		=zε termite
dh	dhe	mère	ən	"yən	credit	très bas		-dhə amour
ee	=wee	sel	əwən	=yəwən	huile	très haut + très bas		"klang- singe
ε	"pε	déchirer	ö	pö	sang	haut + très bas		'yënnng- soleil
εε	=wεε	moquerie	öö	töö	dire	moyen + très bas saa-		savon
en	-gən	pied	u	"su	panier	bas + très bas		=göö- iroko
εen	=gblëen	long	un	bun	lune	moyen + très haut gean"		scorpion
ë	pë	chose	uun	=yuun	tombeau	moyen + haut		kpuu' souche
					asticot			

Kwaa- "Kodivuaa -se 'gü -wən



'Wən 'ö -gban =klang- -nu -bha

Dhioo 'ö guvenöma 'dhö- do -sü 'ka =klang- "gblügbli -nu -ta yö =ne : "sanni kö -wa do kö =wa 'wən =sləw 'gü =dhe =klang- -nu -wo 'wən 'gbe kë -sü 'ka =klang- "dhiü 'ö 'yaa -së. -A -gen -mü =dhe me 'bha -nu -wo wo -go "dhe -nu -ya -zukluudhö 'waa- 'gü -piö. 'Ö me 'bha -nu -wo wo -bha to =gblengblen 'ka, 'waa 'wı- -bha kö 'wo- bho.

=Ya 'go mü, -a -nu -gome dö -nu -waa pö- -nu -dhe -wo =sabha -gen -ma 'gü muu" dhe -ya kö -wo nu- 'ka =klang- "dhiü 'waa- ma. -A 'bha -nu =ya kë -a -naa telefönö 'wo -ya wo "tu -bha 'wo =dhiëë 'ka ya 'waa "wı- -bha kö 'wo- dhuu" =klang- 'kəədhö. =Ya "wı me -nu =zinng 'gü, 'yö =ya me =gban "gblüüdhe "mungbho.

"Këe 'waa "wı- -bha "sa kö 'wo- -nu "dhi ta. Kö me 'bha -nu -wo pë -nu -ya sië 'banng- -nu -ta, =klang- -kö 'kö "bhanng -nu -bha. -A -kë "dhü -sü bha- 'gü, guvenöma -ya -pö =dhe =klang- "dhiü 'në 'dhe 'ö 'wo- kun 'wən "vlaanvlaan -nu bha -a -nu kë -sü -bha, -wo

-dho -a -me kë- =klang- "dhi ü 'wii- kë, -yö -dho 'banng "iin 'kəəbhang bha- -dee -pë kë Kö -wo -kpan 'me 'ö- -bha kö me -gii 'ka -pë -ya -go, -wo -dho -a "piü kë-. =Ya kë "dhü kö- dhe -ya -bha kö 'kwa -dhioo do kwaa- 'në -nu -ta -së -dede 'ka.

"Kpungtaadhe -wən

"Yi 'ö pa kwëe

"Sëgo -nu 'ö 'yënn- ('lën-) -pö -zian 'ka 'wo -kë Metii "se -nu 'ka, 'yi 'ö pa kwëe -yö me -zë -dedewo -a -nu 'gü. =Ya 'go mü 'zü, pë -yö kë -see me -bha 'ö -ziö 'ka mü. 'Me 'wo ga "se "pëen kpö bha- -nu 'gü, 'yi köw, -a -nu "dhi -yö -ziö me këng =ple ö -kö do -ta. Me 'dhe -nu 'ö 'wii ga, "këe 'ö pë 'dhö =see -a -nu -bha, -a -nu "dhi -mü me "gblü këng "saaple waa- me "gblü -kaəng "saaga waa- me "gblü "səədhü (785.000).

"Yi -bha pa -sü bha, -a zü -yö kë -bho "kwi -bha "su 'ö -kë zue 'ka bha- 'gü. Metii -nu kwa- dhe "zë. 'Me 'ö "yi pa -wən bha- -dhiang zë bha -wa -dhe Eëve Lidovikö dö Lis. 'Wən 'ö -gban mebhü -wən -bha -kəlookota 'ö -kë ONI (ONU) 'ka bha, yö =në- me -blëesü 'ka. -Yö dhiang bha- -zë "dh ü Ötblë -dhekpəyü -kaəng do ö ga

"saaple 'ka (17 ötblë) -kwe ya- 'gü Senegalö, "këe 'pö- 'kpüi- 'ö -kë Dakaa 'ka- 'gü.

=Ya kë "dh ü kö "yi -bha pa -sü 'ö gun bha -yö -gun =dhe -gblü -dede 'dhö. -A -kwe -kaəng -yaaga -naa =ne "yi 'yii pa "dhü do. Metii "se -nu =gban -to "dhü -sü "pëen do bha, "yi 'ö pa -kwe ya- 'ka, -yö kë 'me 'wo -ziö me këng -yaaga ö -kö "səədhü (350) -ta, -a -nu -zë. "Sëgo -nu 'ö "yi 'ö me zë- 'gü "dhü bha, -a 'bha -nu =ne :

Niziödhia : me -kaəng "saədo waa- me "saaga (68) -wo kë -ga. 'yö pë 'dhö =see me "gblü -kaəng "səədhü (50.000) -bha.

Gana : me -kaəng "səədhü ö ga "saədo (56) -wo kë -ga. 'Yö me "gblü këng -yaaga waa- me "gblü -kaəng -yaaga ö ga =ple (332.000), pë 'dhö =see- -nu -bha.

Bukina Faso : me -kaəng -yiisö ö ga "saədo =në 'wo kë ga. 'Yö pë 'dhö =see me "gblü -kaəng "suesiö waa- me "gblü =ple waa- me këng "suesiö ö -kö "saaple (92.970) -bha.

Togo : me -kaəng =ple ö ga -yaaga -wo kë -ga (23) 'Yö pë 'dhö =see me "gblü këng do ö -kö =ple (120.000) -bha. 'Me -nu 'ö 'wo kë =dua Togo -me -nu bha, -a -nu =zinng 'gü, -wo -gun me "gblü -kaəng do ö ga do waa- me këng -yiisö waa- me -kaəng "saaga ö ga -yaaga (11.483).

Pë -bha see- -sü bha -a zü 'ö bho kwaa- metii "se -nu bha -wo kë -do wo -deta 'wii kë "tabhoo -da ziaan "wëe 'bha 'ka =dhe me -ta 'kun -sü 'dhö..



Me =sləw -pë -nu -wən

'Wən -gban =lapəsi -bha

=Lapəsi bha, 'bha 'dhetrëë kë 'ü- -da 'kö 'ö- 'gü kö -yö 'dho ü bha me -dhe bha, 'yö 'wo- dhe "dhü.

Kwaa- "Kodivua -se ya- 'gü, =lapəsi -kö =gban -da 'kwëë- -sü, -yö këng do ö

-kö "saaga (180). "Pëen -nu 'ö -kë =dhe -gblü -yö kë -da 'gü bha =lapəsi -kö -kaəng =saaple ö ga =ple =në 'ö 'wo- 'gü. -A -nu =gban "dhi -yö kë -ta. "Këe -Zlaan nuwëe, =dhe 'ö -kë =dhe -gblü

=ya yën bha, -a -nu "dhi -dee yöö "pu. -A -wən 'gü, "kwi -bha "su 'ö -kë Ötblë 'ka bha =lapəsi 'ö -Buakëe, "Kədhəgo, Fëkesedugu waa- Segela -wo kë- -nu -bha "dhi -pu "su bha 'ö sü -a

-bha -dhekpəyü "suesiö -bha 'ö yö 'ka -a -kaəng do ö ga do -bha, -a 'ka. "Sanni -yö kë "dhü kö -a -nu see- dhe -nu bha, -waa -nu -pë kë -së 'ka. =Lapəsi -kö -nu bha, -wo kë -nu "dhi -pu =minisi

Amedö Bakayoko "yan
=wlöö. =Minisi bha -yö
kë pleszidanng Gbagbo
waa- =minisi -blëesü
Soro Giyongmü -nu
nuwεε -bho "wü 'ö
'wo- wo- -bha kö

-yaflëë 'gü dhe -yö -nu
-deewo kwaa- "sε ya- 'gü
bha- -wön 'gü.
=Zang "kunmadha 'ö
'Vavua -dhe 'dhö- kwεε-,
'ö 'wo- -dhe "Kwüü
Zakadhiya bha 'wön

"pεpε bha, -a "dhia -yö
kë -ma 'gü.
=Lapösi -nu 'ö- -nu "dhi
yöö "pu =taama bha, wo
-mü : "Maadhö, Wodiene
Buna -nu 'ka. =Ya bo -kë
"dhü -sü 'ka, kö kwa

-möö -bha 'kwa 'sëedhe
bö kwaa- mε -nu -dhe -së
'ka =taa yö -ma =dhe -kö
'ö -blëesü 'dhö.

'Wön 'ö -gban -potaasü -wön -bha.

'Wön 'ö -gban -foodän -bha

-Foo -dän -mε -nu
'dhe kë -dhe 'kpüi- do
-yö 'Biya. -Yö
"kwanngdhe 'wo-
-dhe -Genmε bha- 'gü.
-Dhe 'ö "dhü bha, yö =në
'ö -foomε -nu -bha
=dhötröö =plöö -dhe
-blëblesü 'ka 'Ködivuaa.
=Ya 'go mü yö =në 'ö
-dhe 'kpüi- 'ka. -Ziaanwo
metii "sε "pεpε 'ö 'wo
'yënnng- -pö -zian 'ka -a
'gü, -dhe 'ö -Genmε "dhü

bha yö =në 'ö- -naa
-dhe 'kpüi- 'ka 'zü.
"Su 'ö -kë -gblögön 'ka 'ö
"kwi 'dhö- -dhe 'maasë
-a -dhekpäyü -kaöng =plε
ö ga -yiisiö -naa
bha, "kpungtaadhe -to
"dhü -sü =gban "pεpε
-yö kë -a -ya -dewön
"dhiü -foodän
-mε -nu -bha 'ka
-Genmε -dhe bha- 'gü. -A
-wön 'gü, mε 'gbe -yö kë
-dho mü -foomε

-nu =tuua bho- -dhe 'gü.
=Dhöttröö =plöö -dhe
bha, -wo wo -kö -kpö
-foomε -nu -gö 'ö 'wo wo
"töng -kë -a -nu 'gü.
"Kεε -waa pö woo wo -kö
-ya ü -bha, ü 'wëë-:
këng "saado -nu "dhidhi
-ga -pë 'ka. 'Ü këng
"saado 'bha nu =yöön -ga
-pë 'ka. 'Ü këng "saaga nu
"bhluu -ga -pë 'ka. 'Ü
"gblüdo nu 'sëedhe "kplü
'ö 'wo- -dhe 'tenngblëë, -

a sönng 'ka. =Ya kë "dhü
kö -a =gban -da 'ko -ta
-sü -yö 'wëë- "gblü
-yaaga. -Foomε -nu 'ö -kö
'ö 'kpö -sü 'ka -a -nu
-gö -dhe bha- 'gü, -wo mε
"gblü "söödhü waa- mε
këng =plε ö -kö "saöple
waa- mε -yaaga
(5273).

-Dhe bha -a "dhi -yö "pu
-sü 'ka mε =gban "pεpε 'ö
-foodän 'ö- -nu -bha,
,l-a -nu -gö

'Wön 'ö -gban troo -nu -bha mε wökö -nu 'gü

=Badhong 'kpüi- 'ö yöö -zuö

=Badhong 'ö "dhü bha,
-kwε =ya zü =plε 'yö
-waa -zuö kwaa- Metii
"sε -nu 'gü.
=Badhong bha, -a 'kpüi-
do -yö -dho -zuö -kwε 'ö
nu- ya- 'ka metii "sε 'ö
-kë Gana 'ka bha- 'gü
zangvie "su 'gü.
=Badhong bha, -a -zuö
-kö suu 'ö "dhü bha, -a
suu -kaöng =plε ö ga
"saado (26) -naa =në yöö
kë "dhü bha. "Ködivua
-mε -nu 'dho -kö -kaöng
do ö ga "saöpe (17) =në
yöö kë bha. 'Kwa genyën
=kö doseng. -Yö kë -kë
"dhü Senegalö. -A dha
"yi -kwε -kaöng do ö
ga "söödhü =në 'ö -kwε
ya- 'ka (2007).

-A 'dhe 'ö yöö kë Gana
ya, -a zü -yö -dho bho-
zangvie "su -dhekpäyü
-kaöng =plε 'ka 'ö- "dhiü
'dhö ta "su 'dhe 'ö yöö
yö- "piü bha, -a -bha
-dhekpäyü -kaöng do
(10) 'ka.
=Badhong bha -waa pö
woo- -zuö, -a -zë
"kpüüng =në 'ö 'wo- -kë
-blëesü, kö "sεgö -nu 'ö
woo- -zuö bha, -wa
-nu do. -A 'dhe yöö kë
Gana bha, -a -zë
"kpüüng -yö kë -kë "Kwi
-a "su 'ö -kë ötblë 'ka
bha -a -bha
-dhekpäyü -kaöng do ö
ga "suesiö 'ka Gana mü.
Metii "sε -kaöng do ö ga
"saado =në 'ö -kö 'ö kë

-yε -nu -bha. =Dhe 'ö -kë
"dhü 'yö 'wo- -nu -pε 'gü
-yiisiö. -A kpö do "sεgö
-yiisiö, kpö do "sεgö
-yiisiö. -A -blëesü bha
"sεgö -yiisiö 'wo- 'gü wo
=nε : Gana, Gine, Namibi
waa- Marökö.
-A =plε -naa -bha =nε :
Niziödhia, "Ködivua,
Mali waa- Benen. -A kpö
-yaaga -naa : Ezitö,
Kamerunë, Sudan waa-
Zambie. -A kpö -yiisiö
-naa -bha -mü : Tinizi,
Senegalö, Aflikö di Sidë
waa- Angola 'ka.
"Ködivua 'ö dho -bha
-zuö yi -nu 'ö -nu 'ka, wo
=nε : "Ködivua waa-
Niziödhia. -Yö -dho kë
zangvie -dhekpäyü

-kaöng =plε ö ga do 'ka
(21) 'pödhe 'ö 'wo-
Seköngdi -dhe Gana bha-
'gü. "Ködivua waa-
Benen zangvie
-dhekpäyü -kaöng =plε ö ga
"söödhü 'ka Akra -pö
-yaan bha. "Ködivua
waa- Mali -yö -dho kë
zangvie -dhekpäyü
-kaöng =plε ö ga "suesiö.
-Yö -dho kë "dhü Gana
-pö 'kpüi- 'ö -kë Akra 'ka-
'gü.
Kwa- -dhe "kwi gön 'ö
-kë "dhima mi 'ka 'wo-
-dhe Ulërisië 'ö yö =në
kwaa- =badhong -zume
-nu -dhe "dhiü bha, -a
-gö kö -ya kë -së 'ka.

"Yu -wɔn

=Ya ö dɛmɛ -a 'gbɛn- -kpa

-Mɔɔsiimi do bha, -wa -dhɛ
Zɔnnngo. -Yö -gun "kwi
gɔn do -bha pɛ -kpa -mɛ
'ka. "Kɛɛ 'yaa "kwi -wo
ma -sɛ "wɛɛ 'bha wo.

-Dhɛkpaɔyi do 'ka dhia''
"piö kö- =patrɔnnɔ yöö
'dho yɛ "dhiü, 'yö- pö-
-dhɛ: << Zɔnnngo, 'ilɛ 'fo
prepaare -puu lö 'siɛng. >>
-Waa pö "dhü "kwi -wo 'gü
kö -wa -pö -bhö pɛ -kpa
'gbɛn- -dhɛ.

Kö 'gbɛn- ya, -a -bhö -wɔn
-yö -gun Zɔnnngo 'gü
-blɛɛsü -ɛɛ ? =Dhɛ "kwi
gɔn bha 'ö bo ziö -sü 'ka

bhoo, 'yö- -bha 'gbɛn- gɔn
-ziisü bha- zɛ. "Sanni
'yɛnnɔ- ('lɛn-) -yö -ya mɛ
-gɔ =zinng 'gü (=midi) kö
'gbɛn- bha =ya ma -sɛ
-dede 'ka, "plɛɛplɛɛ 'ka
=ni.

=Dhɛ 'ö =midi 'ö -wo, 'yö
"kwi gɔn 'ö nu pɛ -bhö
-dhɛ 'gü. 'Ö gun -blɛɛsü
=ya nu, 'yö 'gbɛn- bha =ya
"wɛ- -bha. "Kɛɛ -a 'dhɛ 'ö
ya, -Suaasuaa. =Ya gɔ "truu
-piö, 'gbɛn- 'yaa "wɛ. =Dhɛ
'kö Zɔnnngo 'ö "kwɛɛ -pu
'ö -da gɔ 'ka 'kuu- 'gü, kö -
ya -ya Zɔnnngo dhɛa'' 'kpɔ

-sü -bha: << 'U 'ɛ lö
'siɛng- Zɔnnngo ? ('gbɛn-
'mɛ ?) 'Yö Zɔnnngo 'dhö-
pö: << =Patrɔnnɔ, ziɛɛ
plepaadhe =puu lö 'siɛng- -
oo ('ma pɛ -kpa 'gbɛn- -
dhɛ).

=Dhɛ -a =patrɔnnɔ bha 'ö
-da 'kɔɔdhö, 'ö ö -kɔ -zu
'yö nu 'ö -ya 'taablɛ -bha
kö 'ö pɛ -bhö. 'Tɛa- 'kpikpi
'bha -yö -gun 'taablɛ -ta,
=dhɛ 'ö pɛ bho- "dhiü, 'yö
-kpan 'gbɛn- -wü -bha
kö =ya 'tɛa- pa. Kö =ya
"gbla ! -yö -to "gbla -dhɛ
'gü 'yö Zɔnnngo 'dhö- pö-

-dhɛ: << =Patrɔnnɔ, tua''
di plepaadhe =puu lö 'siɛn-
-oo ! >>-A -bha 'gü -waa pö
plepaadhe -puu lö 'siɛn- kö
-wa -pö -yö 'gbɛn- -kpa.

'Wɔn bha 'yö ma "kwi gɔn
bha- 'ka, 'yö wü -pɛ dɔ
Zɔnnngo -gɔ, 'yö- -kɛ yɛ
'gü.

"Gwüŋ

<< =Nawaan -mɛ =nɛ dhebɛ zii 'ö 'gu sü- -gɔ.>>


Ü 'gü 'ya 'dho ga -Pamebhamɛ -wo pö -sü 'ka. Ü =trɔɔ -yö -dho kɛ-.

=Kesi Dhifɔngs

Pɛ -Wlangda -sü

-ka ka baa-. Kaa- danwopö 'sɛɛdhɛ 'gbɛ yöö nu.

Pɛ "bin 'ö ya -a -ga -sɛ 'ka, -a do -zɛ 'ka -dhɛ -yö "saɔdo. -A -nu mɔɔ-



'Ka ka bo 'sɛɛdhɛ ya- -wo pö -sü 'ka, 'wɔn 'bha =ya kɛ ka -gɔ kö 'ka pö yi -dhɛ, -ka 'sɛɛdhɛ kɛ kö 'ka bo.
Yii- 'dresü -mü **08 BP 857 Abidjan 08** 'ka. Tel. **08 18 08 88 / 06 39 04 88**

'Mɛ -nu 'ö 'wo 'sɛɛdhɛ 'ö ya -kɛ, wo -mü =Sai Zoziasü, "Dhɔɔgbö Zafe, =Kesi Moyan Dhifɔngsü, Valangten Vidrinö waa-
Edhena Pedhekwalösökaya 'ö- -nu =gban =plɛ 'wo go Dhusi 'ö -da "Anɛsü 'ö go 'Suisü, -a -nu 'ka.



-Pamebhamε

"Nimlvv : 19

"Tiëëdhε "su

-Kwε 2007

"Su -bha 'sëëdhε -mü

"Gwεεtaawo
